

Merrill.

AGANANIRANG

A. CHIK ME APA GITCHAMRANGNI
AGANANIRANG.

FIRST EDITION

BY

Sudhindra Marak

AND

Dharamsing Sangma,
Khaldang.

Published by

Sudhindra Marak, Resu Belpara

Dam...8

[Faint, illegible text, likely bleed-through from the reverse side of the page.]

a
m
a
c
ia
n
g
l
o
n
a
n

n
D
a
b
ri
n

AGANCHENGANI.

Ia A.chik me.apa gitcheamrangni kattarangko ba aganme.apaanirangko daororoni chasong knana man.brejaha. Basakoba basakoba knaoba ma.sina altua ongjajok. Anga, banga angni ripengrangchi didiataniko man.e adita bilsirangua skangan ia agananirangko chimongna a.bachengahaoba namgipa dakchakgipako man.ningjae ka.dongani gri ong.achim. Indiba, da.o anga kusi ong.a aro lsolko mitela; maena ia kamko ka.na ripeng gri ong.ja ine anga da.o nika. Mr. Dharamsing Sangma, Khaldang, ia kitapko ong.atna bil gimikchin angna kam ka.e dakchakbeaha. Iana anga uko mitelbea.

Badiaba badiaba jolni manderangni agana ba minganirang dingtanggrik ong.a ine chinga (Mr. Dharamsing Sangma aro anga) uia. Badiaba jolni agananiko ding tangatode ka.sapae chakchikpaku-bo. Gipin chango chinga dingtang dingtang jolni ripengrangoni dakchakaniko man.e dal.bate aro nambate ki.tapko sena mangen ine ka.dongenga.

SUDHINDRA MARAK.

Resu Belpara.

C
S
U
C
C
C
D
T
F
S
K
B
B
J
K
K
T
K

R
D
N
S

SALGI ARO A A.

(Mangtat-mantiniani sul).

Chengode, a.ma a.gilsakba dongjana,
Salma salgirakoba nikjana.
Unode a.koba ba.kujana, salkoba dakkujana.
Chiambong chiringsana,
Chitinggil chiarisana.
Chiguri andalsimari, chiringgil mikandalarisa
dongana.
Dakna patigipa, runa geetgipa,
Tatara Rabugasa, Gisik katchisa,
Rangsi Gitelsa, an.tangna sagre pamong done,
katchi bimong ra.e,
Stura, Pantura, Jipjini jipjana
Kuradok Kurapin, Chandasi gonggongripe,
Bulagipa Imbanggipa, Ajanjan,
Bulgajan, Sekira Balira, Jama nokgipa,
Janggini biambiko, Janggi gisik on.e,
Katchi Rangsi sike, Sagre ma.dotko,
Katchi gitchuko dakchengana. Unikosa,
Tatara Rabugara, sagre dimbra jinmako,
Katchi sa.pek dimdakko daktaie, a.na gappile,
sakna tiktoke, dakdame dake,
Rudame rue, Done chinina ine, Rugipi minge,
Dakdame ine, Chora budiko,
Nostuko Nopantuko, Siste machiko, Misiko
Saljongko, Goerako Kalkameko, Mite Nagniko,

Katchi Tengajako, Chuako Chonggalko, Nawangko Miteko, Brarako Dogniko, Akpako Pitrangpako, watatana. Tatarara Rabugara, Gisik katchia Rangsia Gitela, Biming mingmalgija, Katchi donmalgija, Salgrani Susimeni ama, Asimako Dingsimako dakemung, Bireko, Jitjeko, Rengrako, Balsako, Balera Balgirako, Balgito, Salgirako dakana. Uan teng, sugipana, Uan tengtotgipana. Sona kalena Kabu Ranchena. Uan mikron gitokna, uan ki, sang sistokna. Indakesa Nostua, indakesa Nopantua, Tatarani geeta Rabugani watata gita, Nostua Nopantua me, chik bimang pile, Katchi siste Rangsi me, chikko rime re, baesa a, gilsakko ba, ana, Mane pilte mingana.

Unoa, chipatangga wariko nike, Andalmitmat chitinggil tu, e, Nostuba jama jagokmanpiljokna, jaba jajirengmanjokna. Unikoa, Nostua Nopantua, Tatarara Rabugao Gisik katchiario, Rangsi racha Gitelo, seng, atpasina naatpasina ine ninijokna, gandijokna. Unoa Tatarara Rabugara, teng, sugipako tengtotgipako, Rengrako Balsako Jitjeko teng, suchina geetjokna, sengpachina patijokna. Indakesa chiringgilko seng, dapjokna, chitinggilko masijokna.

Unoba, maeao gaesa a, ko dakgnok! Mane Pilte changgnokke inemung jajajokna. Unikoa, Gisik nokgipao Katchi bimadoto nini ganditaeoa, Gisik

nokgipara Katchi bimadota, Jobeko watatjokna.
 Jobe me,asa Rangru pantesa, saljadilo gachate,
 Eri mugadingko chiko sakko malange sringana;
 kilding du,silchiko kakringe on,jokna. Unosa,
 du,silchiko malange, kakringao dongchake Tatarana
 Gitelni an,cheng jakbik on,ako, Rabugani Katchi
 a,ginchiko donako, chiringgilo goatjokna
 chitinggilo donatjokna. Unoba chibilbo chiting-
 gilsokbajana, chiambik a,sokbasokjana. Uni gi-
 minsa, Nostua Nopantua Inda Rachako Gangga
 nokmako Dramchongko Angkerongko wari na-
 pangchina a,ko ra,echina ine a,ning chiningchina
 watatjokna. Indarachaba biaba, Gangga nokmaba
 uaba, napde napangbebejokna re,de re,angbebejo-
 kna. Indiba warikon napangsokkujana a,akon
 ga,dikemankujana. Indaken uade pingbodoba-
 jokna, balbopilbaejokna. Unikoa Chipong nok,
 mako, Balpong Gitelko watattaejokna. Uade
 sokde sokangana, nikde nikeana. Indiba a,kon
 ra,srapbajajokna, chion rang,sisokjajokna. Unasa,
 Nostua Nopantua, aiao saksako watatoba saksaba
 man,baja aro sakgipinko watatoba uaba man,baja
 inemung; wari napraggipa chio kal,rakgipa Chi-
 chring panteko Barching gengchangko watatjokna.
 Bak napanganiko nabapingbobagija arimchirim-
 pilana Nostuan jajrengjokna Nopantuan sintipil-
 jokna. Belasani jamanosa Chichring pantea,

Barching gengchanga sko nadobajokna, bimang an.sokbajokna. Uasa a.koba ra.do ragatbae on.ejokna. Uchisa, Nostu mechikba Nopantu tiraba a.ko dakjokna. Mane mingjokna Pilte donjokna. Indiba a.an ranningjajokna, rong.an bisil kaningja ina. Tatarani geeta gita, Rabugani agana gita, Salaeni nabaesa Saltikini tengsuesa Balera Balgirasa, Rengrasa Balsasa a.ko mongsi kaatana, silko bisil rakatana.

Unikosa, Tatarara Rabugara, Mane gane ropachina, Pilte chine ropachina ine gana re.king ganatjokna, seng.ki ripok patatjokna. Kasil kokang kaemung sengki ripok patoa, gana re.king gane-mung ripok sisa ganoa; Maneko nitoe nikjokna, Pilteko ma.gape man.jokna. Unoa, Baleraan mikchajokna, Balgitoa namnikjokna. Balera Balgito, Maneko Pilteko kimna am,oa, mamatang nangana Maneni jechakana, Pilteni rachakjana ka.onungemung; Maneni kokangko Pilteni pagriko ra.seke, Noreni songona Dareni nokona, Kimre ganskachina, Bokre kaskachina ine godoatjokna. Ja,manoa, Katchi ra.chakjaemung, Rangsi nokchakjaemung; Maneni kokangara, Pilteni paguria Silanggore a.songo, Pattanggari do.oko balteari dongaijokna, balpakari bon.aijokna. Noreni, Dareni, Kimreni, Bokreni a.songona balpinape bon.aijokna. Braraba miteba Nostumu, barima ina

Dogniba uaba Nopantumū' nengrima chana.

Indake Braraba miteba Dogniba katchiba, aski-ko tanoriko, Noringro gitchuko Nojingjo dimdako; walo neugipako salo mikchipgipako dakpajokna.

Indioba, Nostuni ba.ara Nopantuni neng.ara, chiringgilkon nikpiljajokna, chiambikkon pingopiljokna. Chiamik jokpiljajokna, chitinggil dongtopiljajokna. Una, Chipong nokma kaonangjokna, Balpong Gitel bika dakjokna. Indakemung, chiambik chitinggilatjokna, chiringgil chibilboatjokna. Unoa, a.an tangdoskajokna, salgi ondikskajokna. Norebagni a.songba a.song kirapiljajokna, Norekdimni dedena bimang kal.topiljajokna. Mia su.o su.toja imol singsang nangkingkang dakana, Bimang kal.o kal.kingkang salgi nanggakaiana. Asingpasa sikdoatana, Achanpasa tekchaldoana. Indakesa salgiba chupiljokna, indakesa ranggiba ma.gappiljokna. Norebakni dedeba bimang kal.e rotojokna, Norekdimni a.songba a.song kirapiltajokna. Indioba, a,bilbode ran.skajokna, Chibilboe chijimjajokna. Unasa, tatarara gisika Rabugara katchia, mikkako waatbo, chiringko jokatbo inemung Noreko, Chireko, Kimreko Bokreko geetatjokna patiatjokna. Unosa, mikkaba wajokna dareba dal.jokna. Chipong nokma.ba namnikpiljokna, Balpong Gitelba benampiljo

kna. Unosa, Dramchong gangga nokmaba, Wago nokma Inda rachaba Rusnaba Kalsnaba, Karu chonggalpaba, a.muriko kange rajokna, a.panchiko sima dakjokna. Abilbo chibilboba rangsi rangbatsokgipa Bong abong rajako a.gingna brina minge, hiro amak bondako donjokna. Bolma bolong sirongo rona, prap giting biteko cha.na; Inong me.ako Inding panteko, Inong chirongko Inding ja.srongko, patigipa patijokna ra.rongipa raronjokna. A.ningna, Durena, Indana Rachana a.ning ma.dirango dongdilna, dure songgnango rodilna, Pongreng me.ako, Pongseng panteko, Drong me.ako, Chandong panteko, mikkang chijimko, kasot tingringko donjokna. Silang dareo, sade chiningo, rodilpasina dongdilpasina inesa Buga Radepako, Na.nil Singsepako chima rajadonemung, Bugarik aringgako nokol jakgitok done Inda rachako, Wago nokmako, Dramchong Gangga nokmako, Komre mechikko, Komse me.ako, Gopre me.ako, Gopse panteko nokma songana. Mannei, Pilteni an.kmil knedingsa ja.manoa gronsi pilana bangbangsi chaana. Indekesa bolsal danipaba samtalak tanoreba ong.ana. Unikoa, Tatarara Rabugara Katchi Brariko, mite Susimeko, janggima silchi sike, gisikpa katchi on.e, Noroko, mandeko dakchina geetatjokna. Indakesa, Noro-koa mandekoa, mite samsa dake noro mande ong.e, bimang

dakjokna, janggi onjokna. Ua noro-koa ua man dekoa chalangko Ajorākoa, Amintong mingana Asiljong donana. Sane Tira mingana. Ua Amintongni, ua Asiljongni muni me.chikni, Sane Tirani dekoa, Gancheng mingana, Dujong donana. Ua Dujongsa, ua Ganchengsa mandeni apa manchana. Amintongde Asiljongde, muni mechikde, Sane Tirade, mite samsa onggipa, mande samsa donggipa Norosa mandesana.

Unode miba dongkujana, misiba chakujana. Bola bitekosa, wa.ni bisokkosa, Noroa mandea cha.aeana. Akpasa biasa, Pitrangpasa me.asa cha.riko on.chengana, gironko gochengana. Uko man.esa Bone jasku, Jane Candasa (jikgipa) a.ko o.chengana, dange cha.chengana. Chora Budisa, Katchi Gitelsa ge.ako niroke gamako nitime, bilsiko namate, kariko jasoke bibal balatana, bite nangatana. Uara, antangna wakko boli on.jaode, bidan chotjaode, bisi minatrongana, nachil saatrongana. Bite nangatrongjana, bibal bala-trongjana. Nostude Nopantude, Sistede Machide, Norona ka.sagipana, mandena nirokgipana. Uamangde nachilake rojana, tamon dake kal.jana.

Misia Saljonga, mina misina samjakna me.jakna, a.sal chong.atgipana, bakrongatgipana. Uan Rengrana uan Balsana. Bibal namatgipana, bite-

minatgipana. Goera Bilmitea mite Kalkamemung
gandil ga.titrimgipana, kni sosirimgipana. Uara
Nore, Chire, Kimre, Bokreni a.song mikkao
Duraosongdonge a.chae, Noro-ko mandeko nione
nitime donggipa mitena.

Nawang Tikonsilpa Chuara Chonggala, Napak
a.songo, me.mang cholbibrao dongemung, ruraso-
gipa kondasogipa, nachilaksogipa tamon daksogipa
ong.ana. Ua rang.sot nawanga, ka.ting mitea
memang rama choldualo dongsoaeana, mongra
mongri cholbibrao rososengsoariana. Ua na-
wanggani ramade suekdilkrang weana, a.gitchak-
krang talana. Ua nawang miteara ua cholrama
gitan ua choldual gitan Nawanggani a.songona
salangaiana rimangaiana. Nawanggara nabana-
wangbebena nabanagrakbebena. Nachilba gong-
dalana, gingtingba ginggroana.

Chuara chonggala a.gilsako romitingo chibilboo
kal.mitingo ; ruragipa mitena kondagipa katchina,
Ia a.gilsakoni ia chibilbooni more a.songona mode
chigaona, jareangmitingoa jasokangmitingoa, awa
mitean, nawang nakragan, more a.songni mode
chigani, memangni ramao, Mangru mangram
choldualo Nawanggani a.songni cholbibrao dong-
soemung, Noroni janggikoa mandeni jamakoa,
a.songtangna rimana chigatangna salana. Ia
nawang pantea, nagrak mitea, ripok sisana, kasilna

jak
rip
T
ma.
tik
dak
da.o
saln
siks
jokg
rogi
A.
ba.o
neng
chiil
Salti
ma.g
ba.ta
Nori
done
a.gils
ba.jo
chini
walo
Ta

jaksilna kenbeana. Uni giminsa, Achikranga
ripok sengkiko, jaksil sisarangko ganrongana.

Tatarani geeta gita Rabugani patia gita, Katchi
ma.dotranga, Rangsi gitchuranga; sako giptoke a.o
tiktoke; a.ning mitapona chining tingchangona,
dakdame dakjokna rudame rujokna. Indakesa
da.oa brina, rikena, a.chuna, a.pangna, a.ni kitikna
salni noksikna, salni gadango, a.ning mitapo,
siksakgipa gong.genggipa, teng.sugipa tengtotgipa
jokgipa bilgipa, a.o chagipa sako bilgipa, a.o
rogipa chio donggipa ong.tokjokna.

A.ko ba.o jrima ina Nostu Nopantuna, chiko
ba.o sosia ina Chiambik Chitinggilna. Salna
neng.o gangbila ina Salaeba biaba, sokme ja.ping
chiila ina Salgrama Saltikeba. Ua Salaesa
Saltikesa Salgrana, angjonggri nitoja ano gri
ma.gapja inemung, Susimema Sangkildemako
ba.taiana neng.taiana. Susimema Sangkildemaba,
Noringroko Nojingjoko bimikna minge saljana
done, desa ma.grina Norona mandena, a.ma
a.gilsakona nionatpasina tengonatpasina inemung
ba.jokna. Indakesa da.oa a.ni ma.dirang gimikna,
chini songgnang dimdakna, saloba seng.pajok na
waloba teng.pajokna,

SICHENG BON.CHENGGIPARANG.

(Mite katchi Susimema Sangkildema).

Tatarani patia gita, Rabugani ongata gita;

Katchi gitokba, Rangsi Dimbraba; dintangna
 re,ana, changratangna katana. Indake, miteba
 katchiba, Rangsi Gitelba, Susimemaba sipaana,
 Sangkildemaba wilparana, Susimemani sio Sang-
 kildemani wilo; do,a jasi kagnang kaatana,
 memang do.me potgnang potatana. Ua Susime-
 mani sio, ua Sangkildemani wilo; amrueratana,
 amjachingatana. Goerani Bilmite dederangan,
 am.bol gantong ra.chimana, mangna ganchi
 rikchimana. Kram tinga nalik tokana. Rang-
 dokchimana, adil illuruchimana. Manggantongani
 salo mangganchiani jao; mangna matchu denatna
 inemung mobaoa, kram tingana nalik tokana. Adil
 illiria dachi rang birangna kenemung, Silanggari
 patalo, pattanggari do.oko me.mangna matchu
 denna mobagipa matchuara katjokna. Ja.ma ja.kol
 sane rikoba ua matchukoa rim.bana mobana
 man.jajokna. Indakemung, me.mangna matchu
 denna man.jae, mangkromna wal.chakna dongjae;
 mangkoara mangkiromo mangganchio mangko
 gate donari, mangkoba so.jajokna wal.koba
 pinjajokna. Unara, Noringroni dedesa, Nojingjoni
 bi,sasa grape mikchi ong.e dongtimana sengtimana.
 Unoba, matcha ku.simpelsa a.ni a.gipisa, mang-
 kromko saipakeana mangganchiko pe.drakeana.
 Unoa, uamangsa mangarikana ja riktokana. Unasa,
 Susimea Sangkildea amana dongtime mangkiromo

mar
 na
 pak
 don
 bita
 rim
 ripo

D
 ma.
 a ch
 ko,
 me.
 Pon
 a.gi
 man
 pini
 cho.
 nok
 sa.g
 nok
 kaat
 jaon
 gan
 Inda
 ting

mangganchio grapemung; mangarikana ja.riktokana ka.sachakemung, amani sioba angan dongpakuenga ropakuenga, nang.ko wate galgija pii dongija angan noko noknapaegen songo rimbitaegen inemung; ka.speate rang.speate noknape rimbite chadol gipokko ganatjokna, seng.ki ripokko patatjokna. (Ian jajong monggot aski)

A.NING DURENI SIANI.

Dakgipani daka gita, Rugipani dona gita; a.ning ma.dirango chini tingchangramo songdongdilpasina a.chadilpasina ine Drong me.ako Chandong pante-ko, nokma ong.paana dura chapaana; ua Drong me.ara, ua Chandong pantea; Pongreng me.ara, Pongseng pantea; mikkang chijima kasot tingringa a.gilsako donggipana chikosako rokipana Norona mandena; gandomee mesokkuna ganjaksile pinikkuna inemung a.bilboona chikosakona, rama cho.pongsina jalleng kasosina, a.song mandeko nokol desako geetatjokna patiatjokna. Una Misini sa.grea Saljongni depantea; a.songni mandeko, nokkolko desako, rama bakatengjokna, jalleng kaatengjokna. Indakemung rama cho a man.kujaon, jalleng kana dongpition; Norona mandena gandomee mesokna, ganjaksile pinikna sikbejokna. Indakemung, a.ning ma.dirangni nokmade, chini tingchang mitapni Gitelde; rama baka mangijako

sengnapjae jalleng kana dongengako dongnapjae ; a,ningni rama gita re.angengjokna. A,mitap jalengjoljol malangengjokna. Unoa, misini sa.gre-ranga, a.ko cho.tokenanganachim. Saljongni depantea jallengko kachimenganachim. A,ning Dure nokmani re.baako nikjae, chimitap tingchangni Gitelni jokbaako uijae ; a.ko cho.atjokna, jalleng kadapjokna. Unoa, Misini sa.grea, Saljongni depantea nokmako subikbakmaujokna, Dure Gitelko engtangtangmanjokna. Indakemung, a,ning Dureba sijokna. Rama bakakoba, jalleng kaengkoba dontongjokna. Indakesa, a,ning madirangni nokmara, Pongreng me.ara, Pongseng pantea ; Drong meara Chandong Gitela, mikkang chijima kasot tingringa ; Norona mandena gando mee mesokna man.jajokna, ganjaksile pinikna man.jajokna.

GAERIMA GAERIPA.

Megam Aeripa Mande Singeripa.

Gaerima Gaeripa, Noroa mandea ; a.ko dange chaachimna, nokko rikke dongachimna. A,gilsako roani din changra bon.aa, chikosako kal,ani bilsi kari chon.aa ; More a,songna re.na nangjokna, Mode chigana jokna nangjokna. Indakemung, Gaeripade More a,songona reangjokna, Mode chigaona jakangjokna. Gaerimade, kawatangni

More a.songo napeoa, Mode chigaona reangoa ;
 a.gilsako brangari dongrikjok, chibilboo jajaari
 rorikjokna. Indakemung, Gaerimara segipana
 mangona mangsingaona, na.tik gol.o jotna ine-
 mung, kawatangna girape dongatangna ka pake,
 chekke pal,ikkangko rae koksi te,rikangko kee,
 rong.ma jingjetna kasi ga jepna inemung ma,ninga
 re,angjokna. Indakemung, Gaerimade deko a.gao
 donemung, kasi ga.jepangana rong.ma jingje-
 tangana. Indakmitingo, Gaeripara More a songoni
 Mode chigaoni jikko kimpilna demung dongpilna
 inemung, jikko chanchipile deko gisik ra.e, jikona
 deona gu,rit ripee te,rik dingdee re.bapiljokna.
 Degipara pagipani rebaako nikemung, ma.gipako
 rong.ma jingjetaoniko kasi ga.jepaoniko okamatjo-
 kna. Unoa ma.gipara bebe ra.jae, kitakon kitengana
 rim,akon rim.engana. Indake re.bajana Gaeripara,
 gu,rit ra.baako terik dingdeako degipana on,ange-
 mung re,angpiljokna. Bi.sara ma.gipana ua gu,rit
 rabaako, te,rik on,angako ra.emung mesokejokna
 pinikejokna. Unosa ma.gipara rikbajokna chaba-
 jokna. Rikangoa segipara memang jalleng chana-
 ko malbadeangjokna. Grape grape molmoloba
 Gaeripara re.bapiljajokna a,kim sotangaejokna.

Indakemung, awa cholramao awa choldualo
 bajar ata gnang nogor pala gnang, uko tangoba am-
 binoba chadengdikangnabe dengdengdikangnabe,

nidorekangnabe nikirekangnabe ine beng.atjokna, Gaerimaba choldualona cholramaona sokoa mae maekosa awa cholgugao, awa cholramao bajar ata gnang nogor pala gnang uko nidorekangnabe nikirekangnabe ine ang kawa gitchama ang donga ja.panga, beng.ata ine dongdipe nidorekoa nikirekoa chirore bitesa ga.akjokna. Una to.tro ong.e chabrangesa ua Gaerimara makgitchak pil.ana.

A.CHIKO DIKILO ME.GAMO SICHENGGIPA.

Me.gam Aeripa mande Singeripara Dikil Amejanga Me.gam Aeria; A.chiko, Dikilo Me.gamo sichenggpiana bon.chenggpiana. Simano uamang Maopa chandopa pil.ana. Mitamrang ia Aeripa Singeripakon Gaerima Gaeripa ineba minga. Indiba aganani katta dintangrika. Megam Aeripara mande Singeripara Dikil Amejangni Megam Aerini sioa, jamara janggia me.mang pil.ana dano ong.ana. Ua me.mangara ua danoara sko dongjana ja.ba dongjana. Gitok dipatsa kang.kareona bimang dakana manggisimana. Ka.tongosa mikron ching.ana, walo walosa roba roana. Ua me.mangkon ua danokon Maopa mingana Chandopa donana. Ia Aeripana Singe-ripiana, Dikil Amejangna Megam Aerina, siani salo wilani din o matchu den.atana ganchi

wal.pina. Amrerua amjachingao me.mang
do.me potatana mangna do.jasiatana. Manggireng.
ko mangjatongko kolame rikile dakgipana
mangonna rugipana mangsingna inemung, bando
gate sireng rike medine on.a chite gate donana
Unode, A.chika Dikila Me.gama, gando gankujana
e.king patkujana. Rina kokchek watmitingna
sina dangking sol.mitingna. Jajong pora porio
sala imbing imbango, wa.singtoko tingtinge, dama
niap dokchime Dakgipana mangonana, Rugipana
minggamana. Unoa, churinge chupeke jong.a
dola asilika, mamanaba kiratgija, adanaba kirat-
gija nagandeng busindeng, an.tangniko dokpak-
pake pangmiselari chumiselari mesaana chrokana
Mangguaka mangwakwaka uni dokpakpake me-
saako roengako bolo gadoemung nikatemung ka-
dingwakwakjokna. Da.oba uko gisik ra.esa ka-
dingwakwakengana.

SIMANO MANDERANGNI JANGGI.

Dakgipani daka gita, Rugipani rua gita.
Amintongni dederang Asiljongni angsuranga
Muni me.chikni Sane Tirani angderauga angsu-
ranga, a.gilsako rorikjokna chibilboo kal,rikjo-
kna. Nokko rike dongamungna a.ko dange
cha.an.ungna. Indioba Misini patia gita, Sal-

jongni ra.rona gita a.bilbooa chikosakoa, desa
 Jabirangani dongana bisa jaminokani bangana.
 A.chuo, a.pango, chiringo, chisiko ja.gitotani
 gnangna, tottinenngani dongana. Matcha ku-
 simpelo, mapil sa.gnango; Buga radepao, Na-
 nil singsepao; bisio kanchio, miteo, skalo janggi
 siani gnangna, jama bon.ani dongana. Re.chu
 ansekseka gnangna, e.sal chaksekseka dongana.
 Mandeni janggia, noroni jamara; re.chuo gaaka
 gitasa, esalo chaksoa gitasa; dintango roana,
 changratango kalana. Dintang bon.jokode,
 changratang chon.jokode; morechi re.na nanga-
 na, modechi sokna nangana. Indakesa mandea,
 a.gilsako rokuna inoba, chikosako dongkuna
 am.oba; kawa kaa dongoba kawatangko donga-
 le desa sokchikapoba bi.satangko jauggile din-
 gita morena, changra gita modena; ja.rena nan-
 gana, ja.sokna nangana.

More a.song do.oko, me.mang a.song niwato;
 mode a.song simao, mangru mangram a.songo
 do.o gisikengana, matchu imboengana. Desa
 rotokengana, bisa kal.tokenengana. Songa an-
 sengana, noka jasengana. Ka.srokemuंगा, dea
 sokchikapoba deko niangjajokna, kawa mikchi
 ongoba an.pil nipilangjana. Me.mang a.song
 doani neng.o. chia ring sikangari, mia okkrian-

goba mia cha,siksakari; a.song gital an,sengna, chiga dintang jasengna; saliramchi mikkange salaramko janggile; mangru mangramna reangchengana. Me,mangde pangnaba kisangchiko nipilpajana. Mangru mangramon, me,mang aro mandeni ja.ragatram janggi sikramna.

A.song mangru mangramko badeo, Napak a.song niwato; Balsri a.song do.oko, Balpakramni kurio; Chigisilo bimao, Chigisimo chimao; me.mang jalleng dongana. Bipel mikchigniko gro jamesniko Goerani millamko darengripe chansoa guangna.

Ua Napak memang a.songon, a.gilsako dongmitingo chikosako romitingo, mae mae namgijako daka donga uko bichar ka.emungsa namgija kamni kri sastina donemung Chikmangona toktok dake watatana. Balsrini do.oko Balpakram badeo memang ja.nengtakramo, boldak matchu karamo neng.take; de.a rim,angako done matchu moangako kae, chidimako chianggalo aue, dim.ak natana su.sirange anggal galana. Indakemung, unon memangranga mesal cha..chimrongana ja.nengtakangrongana. Uni giminsa ua biapkoa memang mesal cha.ram mingana boldak matchu karam donena. Unonisa Chikmanga song songkamaona, memang a.song songa

pangmaona rechakattaesangana ja.ku detaean-
 gana. Ua memang a.song Chikmangni ramaon,
 Nawanggani a.songni cholbibrao Nawang mite-
 ba dongsoana, Mode sa.greba rosoana. Ua
 moreni pantea modeni sa.grea, nawang baksa
 ra.sekana mite baksa giseana. Mangruo mang-
 ramo janggiko jamako namako namjako sandi-
 soe rekkisoe, nawanggani bokrako nawanggana
 on.atana chikmangni bokrako chikmangchi wa-
 tatana. Chikmangni bokranade moreni pantean
 modeni sa.grean cholramako aganatana chol-
 dualko mesokatana. Ma.kringko sing.emung,
 bimungko nungemung; ma.kringtangona wata-
 tana bidingtangona sokangana.

Indake mandeni janggia, noroni jamara;
 a.gilsako rochagija chibilboo dongchagija; more
 a.song gita re.e mode chiga gita nape memang
 rama gita reemung, Chikmango dongeana.
 Ua me.mang songjinmao ua chikmang song-
 gitchamo janggini chimongramona jamani
 timolramona me.msngranga rama gita, reang-
 gipa re.angengana re.bagipa re.baengana. Ua
 janggini tom.dakramonisa jamani songkamao
 nisa, atchina rebagipa re.baana bilnapna jokba.
 gipa sokbaana. Re.bagipa pilakan sokbagipa
 dimdakan, a.gilsako donggniko chibilboo rogni-

ko
 Mo
 bar
 ma
 dor
 baa
 ong
 git
 mor
 me
 nan
 U
 kna
 inob
 inob
 man
 man
 sokn
 ni jo
 cha
 paga
 gita
 agre
 Chik
 atchi
 rako

ko; salko jako bilsiko kariko, Moreni cholgugao Modeni cholramao mangruo mangramo aganbana nangana. Sao atchinasia sao bilnapnasia, ma-kringtangonma mandetangonma, uko rekie donbana nangana agane onbana nangana. Reki-baa gita, aganbaa gita; din sokode changraongode, more a.songni mode chigani choldualgita cholrama gitan; ua mangruon ua mangramon, sandisogipaon rekisogipaon nappake aro memang songkamaon chikmangon dongetaena nangana.

Ua chikmang a.songode mia cha.na nangjajokna chia ringna nangjajokna. Mia cha.na inoba wagaman wasnek boka, chua ringna inoba sane mani chukanek dongana. Mangruo mangramo sandisoao rekisoao namgijagipamande inae nikode, uade nawanggani songnasa sokna nangaena. Maebakae nawanggani jakoa ni jokange Chikmango napepana man.oba uade chatchitangko man.epajana, bidingtangko nikepajana. Kamtang gita duk man.ari, a.seltang gita sitengtoari dongna nangaegenna. Indake agre namgijagipa ba mande so.otgipade, ua Chikmangon chasongsni duk chake a.gilsakona atchina re.baoba Mangru Mangramo din changrako see donbae do.burung matburungosa at-

chiana. A.gilsako dongbapana sal somoeko see
 on.a gitsan dongbae, simanosa indake pilsni
 changsnina dongrura atchiruraesa jamanosa
 ma.kringtangmung dongpana manana aro atchi-
 epaoba unosa manderango atchiena man paana.

A-CHIK PAGITCHAMNI TOROM.

(Krita amua aro ong.chenggipa kamalni sia)

Dakgipani daka gita Rugipani rua gita, sako
 giptoke a.o tiktoke, a.ningo chiningo malame ro
 gipa gong.geng siksakgipa, teng.sugipa tengtot-
 gipa jokgipa balgipa, a.ni madirangko chini song-
 gnangko dakmano; Tatara katchia Rabuga
 Rangsia, a.gilsako donggipa Noroko mandeko
 nirokesina ine Misi rachako Saljong Gitelko
 a.ma a.gilsakona watatjokna. Misiba Saljong-
 ba geeta gita patia gita, redura jalleng chana
 gita malonba ong.onbabebejokna Unoa, Norona
 mandena, a.o chong.kam chaka gnang bisio
 bijongo matcha ku.simpelo mapil sa.gnango
 do.rengo do.kuo matchao bugao janggi siani
 jama chon.ani gnang ine nikahana. Uni gimin-
 sa, noroko mandeko a.dok sima dake ganti
 muri done sabisioni sakanchioni a.ni matchaoni
 chini bugaoni jokpasina ine achu nokgipana
 a.pang panggipana chimite Kubelna mite chika.

rena Bisik nagandena Konchona mitena ja.pil
 ga.gipana mikpil nigipana a.song Kosina Dal-
 mang mitena chokidar done tanadar songe,
 rong.ma rong.do songe bimung minge misi sal-
 jongna; do.re gipuchi wakchang gipokehi boli
 on.e jokbo bidhan chote dongbo ine geetangana
 patiangana. Uni koa, misia saljonga, redu
 chan.chanako jangki chandoako gadoangpilaha-
 na pildoangpilahana. Indakemung, Misia Sal-
 jonga Nore, Chire Kimre Bokreni a.songo nap-
 pake Goerako Bilmiteko a.songtangoni Noro-
 ko mandeko niwate nione nitimchina dongtim-
 china geete donangahana. Misi rachani Saljong
 Gitelni noro-ko mandeko geetanga gita patiang
 gita Noroa mandea a.dok sima songe ganti mura
 done mite a.song dake rong.ma rong.do songe
 cholramao cholgugao chokidarko done tanadar-
 ko songe, a.chuna a.pangna doktangna simatan-
 gna a.song mitena dalmang bi.sana Kosi rong-
 gana mite chikarena Bisik nagandena Konchona
 mitena ja.pil ga.gipana mikpil nigipana mandeko
 sorsiko kamal songemung do.re gipuchi wak
 chang gipokehi boli on.chengana bidhan chotche-
 nga na. Unoa, Sorsia kamala doktango a.murio
 sabisi napjasina sakanchi gojasina a.chuo a.pa-
 ngo matcha ku,simpelo mapil sa.gnango, do.re-

ngo do.kuo chong.kamo wa.kamo ja.gitotjasina
 tottinenngiasina chiringo chisiko mite chikareo
 Bisik nagandeo Chimao chitilo Bugariko Sing-
 sepao janggi sijasina jama bonjasina ine a.mite
 kaketaa chimite dimdakna rong.kon mite mi-
 nge rong.mite rong.do songe, a.song cholramao
 ehiga choldualo mite chokidar done a.song tana
 dar songe; Misini geeta gita Saljongni patia
 gita a.miteko balmiteko chimiteko salmiteko
 jaringgame mantinie do.re gipuchi wakchang
 gipokechi, rong.mitena an.chi on.jokna chokidar-
 na bidhan chotjokna.

Unoa, Sorsia kamala boli wakchanggipokko
 bidhan do.re gipuko; a.songni mandena ehigani
 desana dongtingipa sengtingipana, do.rengna
 do.kana on.gija be.enkoa bitinkoa an.tangsa
 cha.tokana ringtokana. Unikoa, okkaprete
 okko salo rame, mittal bojak gangborakrak
 tuaejokna, Unoa, noro-ko mandeko nione ni-
 time donggipa Bilmiteba Goeraba nikatemung,
 Hare! Sorsiko kamalkoara songo dongdile a.o
 cha.dile a.mite gimikna chimite gitchuna rong-
 miteo boli on.e, nangrime dongchimsina, suale
 cha.chimsina inesa rong.o boli on.ako mite ra-
 chaksoamung ine Sorsisa biasa waka raangsa-
 manchako do.o do.regipuko cha.goptokama su-

siktokama skal dakama kamal sikama, da.mo biko bragipako, dattekgipako inemung ka.ona-nge Goerara Bilmitea Nore Chire a.songo, Kimre Bokre gitimo donge, saljadilo ga.chate rong-silchi rong.prachi a.song mite kamalko sorsiko gotatatjo'kna. Sorside kamalde mital bojak gangborakrak tua gnangan oka brete bibik rurue sijokna. Indakesa da.o da.oba, A.chika, cha.goppipa ringgoppipa, cha.pretgipa ringpretgipako mandeba namnikjae, braa rongronga skal daka kamal sika su.sika datteka ine inana. Aro indakgipakode Sorsiko gita goera goana ine aganani pal Sorsi goa ine aganrongana. Da.o da.oba, Goerara Bilmitea, tangoba ambinoba onia daknabe nangrime rochimbo ma.bake dongchimbo on.e cha.chimbo sae on.chimbo; de.sa ma.griko me.chik segriko onia dakode angade namnikja, ang kattako rajaode wae angade angko nikjama ine Nore Chire Kimre Bokre a.songo donge, an.tangni millam jamesniko illape mesokengasana. Ukon goera goa aro mikka riprapa mingana.

SALGRA BALGRA.

(*Muni aro N'ba Jonj*).

Muniko ba.gipako kegipakoa Noarani mingana Nognini donana. Uara mikkang bandana

ja.si chuana. A. song pekgitoko dongana chiga
 Garingwalko ringana. A. song pekgitokara chi-
 ga Garingwalara anti Wakmetongni a.kang
 Sangknini cholramana choldualna. Indakemung
 Nibaba Jonjaba, anti cha.na a.kang atna ine
 Sangkni Wakmetomona re.ange, a.song pekgito-
 ko chiga Garingwalo waltujokna, Mia song.e
 cha.na ine am.bol am.na re.angoa Noarani ba.gi-
 pa kegipa Muniko ga.dapmanjokna. Unoa Ni-
 bara Jonjara mikil nom.angaejokna tusidimuae-
 jokna. Unosa Nibara Jonjara, Oh iade munisa
 inemung ua songona re.bajokna, bario muniko
 ge.ejokna. Salaea Saltikia mitea salgrara,
 Nibani Jonjani jikko, Grimchi Barchi Silak
 Dokdokkiko mikhae namnike, seke katna ine
 bale kataa dake ; Niba Jonjani songona re.ba-
 jokna. Nibaba Jonjaba millam wal.srang wil-
 emung, danil sepi chimemung ro.ong dogacholo
 Saljong pattarao timsoskajokna. Salgrani re.baoa
 a.an mopilana brian gipikana. Bolan miriang-
 pilana a.an ti.opangpilana. Una kenpilemung
 Nibade Jonjade katpiljokna.

Unoa, rama tong.jangchio katchi Beariko
 mite Susimeko grongjokna. Katchi Bearia mite
 Susimea Nibako Jonjako kene katpilako nika-
 mung, a.song pekgitokoniko chiga Garengwalo-

niko Noarani Nognini ba.gipa Muniko ra.bagi-
 pako ; nangbariniko terik mring gisepniko
 muniko ra.emung, awa ro.ong dogacholo awa
 saljong pattarao, Balera Balmitena Balsana
 Salgranara muniko dapsoe ja.gasasoaribo angsi
 bingsoaribo, timsoaribo ine geetatjok patiatjok-
 na. Unosa, Nibaba Jonjaba angsi bike donsona,
 jaga sae nisona inemung, muniko ra.baemung ;
 ua ro.ong dogacholo, saljong pattarao muniko
 dape angisiko bingge donsoemung, millam wal-
 srang gengtaie, danil sepi chaksoe timsotaejok-
 na. Unoa, Salgraba Balera Balmiteko ripeng
 rime baju kae Nibani Jonjani jikko, Grimchi
 Barchi Silakki Dokdokkiko sekna re.bataebebe-
 engjokna. Unoba, brian gipikbataengjokna a.an
 tiophataengjokna ; bolan miribataengjokna a.an
 mojimjengbaengjokna. Indiba ro.ong dogacho-
 lona saljong pattaraona sokoa mikil nom.aejokna
 tusidimuaejokna. Salan najajokna brian seng-
 jajokna. Mebimako nikjajokna, meginde balte-
 jajokna. Una, Grimchi Barchi Silakki Dokdok-
 kia, maeana angni gimina bobil dingemung ajil
 nikemung, salko naatgija balko balatgija, mebi-
 ma niktgija dakata ; me cha.che talgija ong.ata
 inemung saiatjok manengatjokna. Indakemung
 Katchi Beariba mite Susimeba aiao namara

namjabebe seng.ara sengjabebe ine, gitok chike
 donaebo wana gate ra.aebo unikode bekmasaan
 ringpilbo kaksisaan cha.pilbo inemung gaetjok-
 na minatjokna. Indakesa Niba Jonjara Salgra-
 ko gitok chike dai ra.e bekmasan kaksisan
 ingrimpiljokna cha.rimpiljokna. Indakesa Ni-
 baba Jonjaba ro.ong dogacholo saljong pattarao
 muni dapsoako jaga sasoako bilpiljokna donpil-
 jokna. Unosa salba seng.taejokna balba baltae-
 jokna. Indakesa, unonisa da.o da.oba sekgipa
 balgipa tilekgipa an.chagipako dai ra.e gitok
 chike watana aro nokgital jamgital rikmano
 nokking kim.biko wa.dingko balwa si.gitok
 potara Niba Jonjani Balera Balmitena ja.ga
 sasoako angsi bingsoako nikesa da.o da.oba
 A.chika balwana balwa si.gitok potsopaengana

SALRANGNI BIMUNGRANG.

- Griso—Robibar—Sunday.
 Abieso—Sombar—Monday.
 Aeiro—Mongolbar—Tuesday.
 Mechapar—Budhbar—Wednesday.
 Naringso—Brihospatibar—Thursday.
 Chigitso—Sukrobar—Friday.
 Sanitcho—Sonibar—Saturday.

JA BA JAJONGKO AGANMA, RAPANI.

(*Katta Salling*).

Chiabak kimil kimil, }
A.galmak smil smil. } —March aro April.

A.an' ma' a.gilsimjok, }
Sangkra a.gil pinjok. } —April aro May.

A.kisangchi mangguak Jikjak, }
A.skochi do.abot botbat. } —June aro July.

Misi a.ma te.sreng minjok, }
Ru.at skal golikeng maljok. } —July.

Bolgong wa.gong arechi }
ong.jok, }
Chiring chisik na katok } —July aro August.
dojok. }

Adanggit chokonbajok, }
Na.chitek ong.onbajok. } —August aro Sept.

Cbiring chisik do.pakal DOJOK, }
Lau pachar neckgilo songjok. } —Sept. aro Oct.

Salna guuribajok mitmat, }
A.na ripan chibajok toktak. } —Nov. aro Dec. Shinkari gimik

AGANMITAPGIPA KATTARANGKO TALATANI.

Abet rangre—Dakna nangako bikpil bikpil
dakgipa.

Amburia--Ampilgijagipa dukrangni somoeo
ong.dapgipa obosta.

- Amjangguri—Be.en aro gisiko aeao inmana.
- Amreru a njachinga—Mangtuatna amko ana.
- An.chi pakgala—Chrako mangonna nokona
re.baon noko grengko ra.nap-
na skang, janggini biambina
bolina; wak gitok rasote
an.chi ong.ata.
- An.gipa megipa—A kim olgipa ba tanggitik.
- An.gipa ro.gipa—Matcha.
- A.song chokidar—Mite asongramo songgipa
chiga tanadar rong.do.
- Ba.ra suri tokka suri—Siao pinani ripinggipa
ba.rarang.
- Bisi minbaa—Rang bobaa.
- Biskrom Bijatari—Mite rakgipa.
- Biskrom tangkni—Rakgipa miteni rongdo.
pabidot.
- Bol brea—Ganchi rikao manggisina salakim
bolpel, bima nanggni bipa manggni
gimik ge.bri sol.a.
Sol.giparangna tangka gong.bonga
chu, mi, wak, do.o aro rongchuko
on.a Matchu an.chi aro gipin
rongrangchi, gitchisok attesok aro

gipin noksarangko daka. Sola
 aro sea toka niam gita ongama
 ong.ja ine me.chik mite kamal
 saksa ripebamingo ganchi ra.e
 den.teke nisoa. Ja jeode sol.gipa-
 rang wal sal sol.taena nanga.

Bol goa—Mangkrom salakimo bolpel gebri
 sole dongipa.

Bol songa ba baka— Mangonaona, dolapong-
 gita bolko sole aro
 janggi gnanggiparangni
 bimangrangko sole ni-
 nggal gadangrangko bol
 solao taria aro sol.gi-
 min bimangrangko unon
 kadea. Ja.wano janggi
 nokgipako reduule ma-
 nia.

Brim brim basu bakjak—Do.de.

Chalang ajora ba pante den.songsokchia—Nok-
 kingo mite krita.

Chame apa bota gipi—An.tangna bilsi batgipa
 me.apa.

Changkichon—Kang.kare.

Chichring balching—Ang.ke cheng.chang ba
ki.chil.

Chipong nokma balpong Gitel—Na.nil ba
na.chi.

Dakgipa rugipa—Isol.

Datkopa—Mande so.ramo gegitam wa.achi
ruanko datkope dona.

Debra—Chonmitingo ba.ani damko siana
a.kim soto ra.gipa dam.

Debrea—Tanggitikna on.songna. gipinniko
debra kotip done, sabri one rimbaa.

Dechra—Macha pachae rogipa gipin sepanggi-
pa maharini pante.

Delang delsi tika—Sigipana nok bisa rike uko
keridule dona. Medong
rapakoba unon done jak-
kala bostu aro cha.ani-
rangkoba done mangki-
mani salo so.e gala.

Delang so.a—Mangono delang tikako so.e
ga.kimite chrok mesaa.

Deragata—De dongjana de-dakna gipinko
nokona rabaa.

Desinggata—De dongoba uni pal de dakna
ringata.

Dina gala—Matburungehi so.otako mangipa
mandeni jakrikaniko chime gala.

Do.jasia—Mangtuatani ja.choko do.oko kae
dona. 1. Me.mango jile roepachina.
2. Me.mangna mesal bijak song.atna.
3. Mangganchi mangkromo bolina
an.chi tokna.

Do.kupa Sanepa—Do.po.

Dola sola—Dola mite bipa ong.ode grong gegni,
bima ong.ode grong gri sola. Je ong.oba
kima memang gita jangchio seng.ki takgittam
done aro been gimiko sengki taksni noksik
gittam bimango matehu au.chi ba mitamko
gipin rongchi nonge mande nikrangrao gate
dona. Basakoba uchin manggisikoba mang-
ganchiona ripea aro ukon mangpong ineba
minga.

Do.ma rangsi—Depante, Chra.

Do.reng bala—Jik-se seka, matcha chika.

Dramchong gangga nokma ba Inda racha gangga
nokma—Ang.ke.

Drubol songa—Bol goa gita bolko sol.e songe-
mung bolni ku.choto suekko done wilwil.

chakna done uoni budu suekdilko sringone
ka,mao ninggal gan,sangko dona. Manderang
gakate uno balip balip wilwile roa.

Duribol durebaka—Mangonao bol songe uno
rebak kaa ta,wilao manderang gadoe wilwila.

Echaluk mangkola—Mangko so,ani grengko
kola.

Gaerima Gaeripa—Matgitchak.

Gilmerong—Wal,chakna mangkromo kagipa
matchu.

Giting rani —Ba.gipa, ma,a no.

Gopre me,a Gopse pante—Ang,kerong.

Inong me,a Indong pante—Do,pa, do,kua.

Jadina—Mangrepaka.

Jakgitok rim,a—Tanggitik me,asana me,chikni
mahari me,trako onnasio, me,asani ma,nok-
rang, me,asa sigakoba on,skagen ine mandeko
mesoke tik ka,a.

Jakpra—Jakkalronggipa silchi dare.

Jakritchua—Ge,ete ku,sie cha,na ine chawari
rimbaa,

Jaona gala—Noko ong,gija gipin biapo sigitang-
gipana chuko song,e e,sal mitapsnichi kapinge
galchipa.

Jaringgama—Katohi sekanggimin janggi.ko
kamalchi okampila.

Jasika—Kamalchi janggiko grengona okame
janggi dongattaea.

Jobe me.a rangru pante—Guang.

Jol matjol—Jeni jani katako jechakgija ra.gipa
mande.

Kamal jamsirengpa—Jik kingija aro pilak
matnangaoni joke, nokpanteni nokgipa ong.e,
nokpanteni niamrangchi songni pante gimik-
ko sason ka.gipa. Iana, paa ingipa bimung
(upati) ko on.ronga.

Karu chonggalpa—Okgipu.

Kawa kaa—Kima donga.

Kawatte ku.dikila—An.tangko agane on.e dukko
ra.a.

Khotte kaa—Ma.a paa daka. Noknia aro pakma
roa matchoto, dechra pantena, matchu moe
lota boe Jakpra jaksilchi (sel.u) ra.e merong
rongjanggiko kerao done do.chi rongsa songe
ra.anga. Ja.mano dechra pante, ma.a paana,
gana gando china chinte, kingbri raangekaa.
Siode matchu den.ea, rang ko.prak man.baa
aro indaken dakroroanggrika.

Ki.memang sota—Tanggitikna on.songnasio,

atchiramasachiba bobil dingana gitok chikana
 ine sigipani maharian a.kim sotchengronga,
 Sotani bewal; nokgitchamoniko dalne gesa
 wase kosa am.pang sone chimbolsa oke mea-
 sani maharini on.ronga gita tangka gonggni
 (mitam jolo gongsa) chu wak ba do.oko bree
 ua dalne wa,se aro am.pangchin so,e me.chik-
 ni chrarang cha,a.

Koba bi,sa—Rang ba dachi.

Komre me.a Komse me.chik—Gapkrok.

Ku.jikse—Bostu rokomgniko rokomsa aganani-
 chi mangsonganiko on.gipa. Jekae, ang.ke
 me.a am.a, am.bol e.sal aka, etc.

Ku.jora—Katta minggniko mingdime orto
 ge.sangipa. Jedake, mama ada, matchu matte,
 etc.

Ku.mepaa—Agankatchia, tol.katchia.

Ku.pil ku.jora—Iagita, nangang nangjang, nik-
 ang nikjang, ongae ongjae.

Ku.pinanga—A.bachenge agana, ku.patia.

Ku,sia—Saia, manenga.

Mangarika—Matburungchi so.otgimin mangko
 matburungni jakoniko manpilna matburung-
 ko a,rike ra.seka

Mangbila—(a)Gopgimin manggisiko biltaea. (b)
Matburungchi so.otako manggipa mangko
mongilchi amona bile jitata. So, ramona ra-
bao jinma inchroronga.

Mangchaa—Nawangga chaa.

Mangganchi ba mangkrom—Bol dotbriko sko
done seng.ki sale takgittam sol.jange skopang-
chi bipa manggni ja.chokchi bima manggni
sol.e songe, gantong gate salakim bolpleng
ge.brichi rika. Iako noknateng sarao, salaram
saliram jole rika. Mangko salaramchi sko
on.e dona.

Manggrapa—Sigipana kalimaniko dakna saksa
me.chikko tik ka.ronga. Uan me.mangni
kattako, ramako agane sigipana graptimronga;
grapmitingo sakgipin me.chik gantiko moti-
ma.

Mangmedina—Sigipani grengko sreng bando
rike chokrek done, memang jallengna
kildingko sringone wa.seo kae; am.pok
done mangonkujana kingking pring attam
mi chiko dina.

Mangmitu—Mande so.ani salsagipa.

Mangpong—Manggisiko ripeani wa.pong.

Mangrepaka—Siao mangtimo basakoba basa-

koba gitalari siboka; ukon me,mang a.chu repaka ineba minga.

Mangtata—Sigimin mandeni janggina kamalchi janggini biambio molmolata.

Mangtua—Sigiminko tuate dona.

Maopa chandopa—Me,mangni ma.dot padot. Me,mang dano.

Mantina—Hinduni montro minga gita A.chik pagitchamni dongimin kattachi patia ba sao on.a.

Matchok me.sam man,a—Mande sia.

Matgitak—So.otgimin matburungni be,enko gitakchakani. Matnangako mangipa dilgipa.

Matgitok—Matburungrangni batsotram biap.

Mebima ra.doa—Me,diko miko bidang gnang ge.a gita done nokking kimbiko songe dona. Donani salo koncho aro saljong tatranga. Chu chole dama pangsi gnang radoa.

Medong rapa—Sigipana miko ga.tong gnang wa.o karomrom karengsie songe dona. Siana kam ong,ani salo (delang so.o ba .nangona) so.e galchapronga.

Memang rua ba mepanchi goa—Reshi deno
ba wangalao mi song, giminko goruru
pakrurua aro ukon jinma ga, pineke doke
dam.e sike moe chrok mesaa.

Merong pujua—Siana kam dakani salo me-
rongko amo pake, do.me songe, merongkon
mang dake ba, ra pine done unan mangtata.
Ja, mano ukoba so.e gala.

Mikka waa wachi joka—Mechikni bewal
nika.

Mikkupeng ku, simpel—Matcha.

Mikpil nigipa ja, pil ga, gipa—Koncho, tongte.

Miksik gitchak gingmet ringrang—Sangkni.

Mite gitok gro—Do, de mite.

More sa, gre—Do, wang.

Noknia—Ma, chong dingtangni, indiba, katchi
apangipa mande, ma, nok chane
rogipa gachiko ma, pol papol kana
janapchengo uni kattako ra, chaka-
haon, ma, pol papol kanasigipa ma, a
gachini pakmao milam pote donang-
chengani kam.

Nonggit notinggit—Hudu huda do, o.

Norebak norekdim—Na.rambu ba uni bisa-
rangko sa.watram.

Nore Chire Kimre Bokre—Mikka ba mikkani
a.song, aram.

Noringro nojingjo—Aski jinma.

Pakma roa—Noknia matchoto, ma.a paa
daknasigipa chra pante, dakako
mannasigipana wak ra.anga.
Wak manggimikko so.a indiba
ki.meko kamjana gita re.pang-
kop kagopa. Chra bimongtang-
ko kotip kaate, do.me patate
merong kera mikkolko olate,
mitam chrarangko, so.gimin
wakko ripeate antangara chu
kaksi ra.bite skang dila. Wak-
ko balim soneo donate nokka-
pio dongsogipa ma.polgipana ;
amana ine chuko kanea. Ja-
mano pakma nokpanteona wak-
ko ra.nape, am.pok ja.groo
dechragipako asongate ringa
cha.a aro wak ja.pingko de-
chratangnan raangpila (wak
ja.ping de.a)

- Pongreng me.a pongseng pante
 Drong me.a chandong pante
 Mikkang chijim kasot tingring—Kan.churi.
 Pring miktinggak
 Bangsin wabrak—A.kin bima.
 Radepa—Buga.
 Rantorea—Bobilko amo aro gipin bobilnasanale
 rasong de.a.
 Rengra balsa balera salgra—Sal aro balwa.
 Ruragipa kondagipa tikon silpa—Nawangga.
 Rusna kalsna - Do.pakal.
 Sadotchi sakimbal—Antangni biding, chatchi,
 bi.sa.
 Salkrita—Salmarang tata.
 Salna wata—Jilaniko salgra mitena watbranga.
 Sambasia—Mite kritna den.e repe tarichengani
 Sarong sota—Sigipako so.e galna am.bol gan-
 tong ra.a.
 Silanggori a.song.
 Pattanggiri do.ok—Salgi.
 Singsepa—Na.nil.
 Ta.ma—Demechik, nomechik.
 Teng sugipa tengtotgipa—Sal.

Tongrengma gaa—Sabo sabisina, kene aro saao-
 ni nampana ine a.songtang-
 ko niwilwale achak gisimko
 ra.doe nokkingtango gadoe
 achakko songchokpile den-
 sota, ruragipa kondagipa,
 nawang tikon silpa, chora
 budi chua chonggalna boli
 on.e tata.

Waenggil wachenggil

Tonggro manggisim—Achak, jong.ma ba gipi.

Wakangpa—Jong.ma gipi.

Wa.rep wa.songa—Dolapong sol,ao gita wa.am-
 bongko reproke sea toka,
 Unikoa gitchisok attesok
 dake sol.giminko wa.am-
 bongko kadee uko ramasa-
 mo songdoa aro songgimin-
 ko wa.jalko songdoe chak-
 duule dona.

Bonaha

-
o
e
-
b,
a
i

-
a.
k
a-
a-
a-
k.

Apsan mandechi segimin kitaprang

1. A.chik Bi.sarangna Gitrang
Part 1.....0-6-0
2. A.chik Bi.sarangna Gitrang
Part 2.....0-6-0
3. Sylsehni Katta Rongchu aro
A.chikni Mitam Toe Aganani-
rang.....0-8-0

PALRAM

S. K. LIBRARY,

Resu-Belpara,

P. O. Mendipathar;

Goalpara, Assam.
